

四庫全書存目叢書編纂委員會編

齊魯書社

四庫全書存目叢書

史部
第一〇二冊

責任編輯：孫言誠 賀 偉

ISBN 7-5333-0535-3



2011/10

四庫全書存目叢書·史部一〇二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.625 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第一〇二冊目次

史部·傳記類

焦太史編輯國朝獻徵錄一百二十卷(三)

(明)焦竑輯

中國史學叢書影印明萬曆四十四年徐象標曼山館刻本

.....

焦太史編輯國朝獻徵錄一

百二十卷(三)

〔明〕焦竑輯

中國史學叢書影印明萬曆四十四年

徐象檣曼山館刻本

焦太史編輯國朝獻徵錄卷之三十七目錄

南京禮部二

侍郎

陳璉

俞綱

章綸

廖莊

馬廷用

劉瑞

趙永

呂枏

崔銑

陳陞

孫鉞

獻徵錄

卷之三十七目錄

一

曼山館

目錄終

焦太史編輯國朝獻徵錄卷之三十七

南京禮部二

侍郎

南京禮部左侍郎陳公璉傳

陳璉字廷器東莞人自幼聰敏喜學從黃勛受書經領洪武庚午鄉薦為桂林府教授嚴條約以身先之都督韓觀總兵鎮守廣西猛悍不下上聞璉之教悅服每加禮焉秩滿陞國子助教永樂初近臣言璉有治才不宜置之散地召試在優等擢知許州始至人以儒者易之少有警發衆為悚懼乃更以寬厚寧民

獻徵錄卷之三十七

二 晏山館

後特征斂禁奸戢暴民用大和 太宗皇帝巡幸北京所過先遣廷臣察吏治問民隱治有異效者加陞擢焉衆皆言璉績最滁人恐失之詣闕乞留遂陞揚州知府掌滁州事賜綺衣一襲鈔五百貫禮部宴餞給驛還在滁州又九年陞四川按察使四川去京遠民不畏法豪吏黠胥奸弊百出璉至一治以法不少貸軍中暴橫有號虎彪太歲者人莫敢犯犯輒受奇禍廉得其實密遣人捕之皆寘之重典乃建言修武備慎刑罰明禮制復義倉正風俗等九事 上嘉納

之璉素有文學永樂間獻歌頌 上雅知之召還收

南京通政使俾專掌國子監事師道尊嚴善於訓迪士類悅之丁內艱正統初起復調南京禮部左侍郎又五年致仕璉德行淳懿文詞典重人愛之若拱璧其所進者有巡狩頌平胡頌饒歌鼓吹摺紳士大夫求碑銘序記詩賦諸作足相躡於門應之如響故著作最多所至學者考德問業無虛日黃蕭養作亂璉建制禦綏靖之策竟平之卒年八十五初去滁時滁人侑之於醉翁亭與歐陽脩王禹偁為三賢祠東莞縣知縣吳中祠之與李用李春叟亦曰三賢祠論曰

獻徵錄卷之三十七

二 晏山館

一統志稱璉孝友和厚博通經史以文學知名於時其得其集而閱之斤乎其明渾乎其肅括乎平乎如神駿馳輕輅於康莊之塗也信有德者之言哉晉江林誌有聲翰林嘗同事會計場屋與之論經史無挂漏者遂師事之語人每曰當今司馬君實又曰人中麟鳳也其感人如此其所操存可知矣家有萬卷堂所儲多秘府所無者四方學士求觀必館穀焉後皆為官府奪去其同考會試者二皆在為知州時國初之制蓋如此

南京禮部左侍郎俞綱傳

俞綱字宗立正統初以順天府學生善書選膳錄
宜廟實錄書成授試中書舍人選授書郎王府陞審
理正 景皇帝卽位以潛邸恩陞太僕寺少卿守安
定門景泰改元陞兵部右侍郎命預內閣機務綱固
辭明年轉左侍郎又明年丁母憂奪情視事加陞太
子少保命二俸兼支綱辭其一開經筵命充講官
英廟復辟革太子少保調南京禮部左侍郎成化二
年秩滿陞食正二品俸明年致仕至十四年四月卒
於家賜葬祭綱和厚馴謹不忤於物景泰天順之際
獻徵錄 卷之三十七 三 曼山館
能周旋其間凡潛邸舊臣位通顯者皆罷去而獨得
無咎云

通議大夫南京禮部左侍郎贈南京禮部尚書

諡恭毅章公綸墓誌銘

謝鐸

成化癸卯春三月甲寅南京禮部左侍郎樂清章公
以疾卒於家訃聞 上遣官督葬事賜諭祭焉公之
子南京禮科給事中玄應將以是歲冬十二月甲申
葬公橫嶼山之原狀公行來速銘於予公立朝大節
赫赫在人耳目銘固不繫於有無獨念鐸之於公仰
止焉者非一日銘固吾黨事也其可以辭始鐸成化
初被旨入校 先皇帝實錄見公景泰中論復儲下
獄事輒嘆息泣下曰公疏動萬言而一不知載何以
獻徵錄 卷之三十七 四 曼山館
示天下後世亟持以告總裁官學士劉文安公公曰
諸臣奏疏凡留中者例不得書鐸曰天下事詎有大
於此者此而不書將奚書公益上其事增入之公撫
然曰業已成無益也鐸至今未嘗不以爲恨於乎銘
固吾黨事也其可以辭公以正統己未進士爲南京
主客主事景泰中擢儀制郎中方是時南城懷愍之
霧上干天變公卿百執事無一人敢昌言於廷者公
遂極言修德弭災凡十四事曰畏天戒曰任燮理曰
養聖躬曰節幸遇曰務儉約曰勤論政曰惇孝義曰
慎賞罰曰重名爵曰巡撫曰擇重臣曰辨異端曰

却貢獻曰汰冗官皆議切時病傳以古義而於畏天戒悖孝義尤悖悖焉大要以爲臣子之邪佞妾婦之驕妬小人進而君子退夷狄強而中國弱刑不當罪賞不當功負役繁重紀綱散壞凡皆在人之陰足以勝陽於是垂氣致沴而天變見矣況上皇爲天下之文陛下爲上皇之臣上皇以天下授陛下陛下以天下尊上皇今若是尤天鑑所在而不容以僞者誠不可不念同氣之親推猶子之義率羣臣時見上皇詔沂王復居儲位如此則五倫全備和氣充溢天心自回災異自弭且曰臣非不知逆耳之言出而身必危

獻徵錄

卷之三十七

五

夏山

然臣身輕而朝廷重使朝廷事安則臣身雖死亦無憾矣疏入上大怒逮繫詔獄連五日輒掠無全膚必欲置之死天忽大風雨黃沙四塞獄吏稍緩得不死初御史鍾同亦上言令諸司各陳所以致災者因以復儲事風禮部老臣縮不敢對曰作死作死公疏方具奮曰我復不言當誰言者遂言之至是乃并逮同明年秋南京大理少卿廖莊亦繼公有言詔廷筆八十幾北且并筆公暨同同死獄中天順初首詔釋公檢公疏無所得內臣有能舉以誦者上擊節嘆賞即日命爲禮部右侍郎未幾同列有中公者更出爲

南京禮部上特御文華殿慰遣之以白金文綺資爲尋轉南京吏部先皇帝上崩遺詔嗣君婚禮不得過百日公復極言三年通喪達乎天子今山陵尚新元朔未改諒陰婚配實所未安禮官大臣爭排公賴上聖明不之罪秩滿稍遷南京禮部左侍郎以內艱乞致仕許之公平生以天下爲已任凡朝政得失生民利病知之未嘗不言言之未嘗不盡方其未論復儲也嘗陳太平致治十六策以至籌邊圍通楮鈔莫克恤增解額亦屢言之蓋已亡慮數千萬言其始脫詔獄而爲禮部也山東以水災告戶部尼不行則

獻徵錄

卷之三十七

六

夏山

特奏得減租十之五王府以火災告同列執以例則特請得賜金五百兩蓋其且踣且奮而抗言議論不少挫抑有如此者噫公歷官先後不四十年在南京者恒十之八立朝之日蓋十不能一二而其反覆論諫已若是其盛使公坐廟堂立殿陛與天子相可否是非則其所以爲世道計者當何如耶公初諱嵩尋改綸字大經本吳姓其先閩人五代時有爲閩王太傅曰子鈞之孫賁避亂徙樂清南閩凡幾世諱開宗者仕元爲德清典史後章氏因爲姓實公之始祖也曾祖諱性不仕祖諱新民父諱文寶皆以公貴累

贈南京禮部右侍郎公生永樂癸巳享年七十有一
配朱淑人先九年卒子男三長玄清亦先公卒次玄
應以乙未進士至今官次玄會以恩補國子生公自
少輒嗜學不事家人生產嘗截枯竹繼晷晝夜誦不
休少從春官主事黃岩章先生限學及為郡學生則
又從郡守何公文淵參贊疑義既歷官南北聚書幾
萬卷自六經子史以至星歷醫卜皆搜抉務達其要
以為文之有關世教者莫先告君之詞故平生之文
奏議為多而間發為詩亦不事雕琢而自成一家有
拙稿困志集進思錄凡若干卷藏於家公性質直坦
易與人無貴賤疏戚一笑之間洞見肺腑至其臨大
事決大議則凜不可奪自號慙夫或勸公少貶以徇
曰在我者有義與命在彼者吾不知也故悅公者寡
不悅公者眾然至論立朝大節未嘗不以公為首稱
於乎歲寒乃見松柏我國國家承平之治至宣德正統
而極極熾而豐大小之臣方仰承德意以將順頌美
於不暇所謂憂治世而危明主者已絕無而僅有蓋
於是得二人焉曰翰林學士李公時勉曰翰林侍講
劉公球至於景泰之季而公實繼之公以二聖之恩
克保晚節亡上親學士公於無愧故雖不必若鍾侍

御與劉侍講公之死然究其所至固非嘗試而幸成
者則其於廖蓋已有光矣於乎公固一代之偉人也
哉公之羣行不止是給事君能文蓋別著之家秉鐸
不付而論論其繁天下國家之大者以銘公墓以備
國史之缺以明示天下後世亦公之志也銘曰浚恒
之凶世具曰非吾寧為激而不以隨罔孚之裕世具
曰是吾寧為罪而不以恥我思古人猛虎藜藿孰與
重輕發蒙振落我思古人砥柱狂瀾孰與有無摸稜
兩端彼何人斯如鬼如蜮不有君子吁何能國我作
銘詩以告萬世紛紛鄙夫敢拜公墓

公資稟殊常甫成童卽刻勵好學既冠郡守何公文
淵選補庠生登正統己未進士授南京禮部主事景
泰初陞禮部儀制郎中適國家多故公知無不言言
無不盡首請增會試取士額次言太平十六事累數
千言俱准議行車駕欲幸大隆福寺公言以萬乘之
尊臨異端之地傳之後世誠非美事見名臣言
五年五月陳言修德弭災十四事其倬孝義畧曰臣
聞伊尹告太甲有曰立愛惟親立敬惟長始於家升
終於四海孟軻氏有曰堯舜之道孝弟而已
孝弟者百行之本萬善之長天子之所以

百姓刑於四海者不越乎一孝弟而已 本朝以孝

治天下而友弟之義皆孝所推恭惟 上聖皇太后

皇太后兩宮爲天子母尊之至也 皇上以天下

養養之至也故孝子之至莫大乎尊親尊親之至莫

大乎以天下養以天下養之在乎躬親養之躬親養

之庶幾謂之至也伏望 皇上於退朝之暇必朝兩

宮尊奉 上聖皇太后皇太后而修問安祝膳之禮

是卽古帝王之孝也臣又恭惟 太上皇帝君臨天

下十四年是爲天下之父也與 皇上同氣異胞是

爲至親之兄也 皇上向曾親受 上皇之冊封是

爲 上皇之臣子也 上皇親征戎虜被留虜庭嘗

有詔旨傳位於 陛下是以天下授 陛下也 陛

下尊之爲太上皇帝是爲天下之至尊也幸而奉迎

還宮是 皇上之至願亦天下之至望也 上皇爲

陛下同氣之親兄 陛下爲 上皇同氣之親弟

形雖爲二其實一人況 上皇天性謙冲意無彼此

伏望 皇上於朔望日或節日一幸南宮率羣臣朝

見 上皇於延安門以叙連枝同氣之情以極尊隆

崇奉之道是卽古帝王友弟之義也至於儲位亦不

可久虛伏望 皇上推同氣猶子之義詔 沂王復

居儲位以爲天下之本如此則五倫備而和氣充溢

於宮庭萬姓愛戴而歡聲洋溢於四海始見天心自

回災異自弭而胡虜不足平矣

景泰五年春上天示戒積雪連陰朝廷下詔求言御

史鍾同手成諫章大畧以朝見兩宮復還儲位爲重

初以稿示都察院副都御史劉廣衡見其語意觸諱

謂之口逆犯龍鱗者必死同乃易稿意在諸司臣寮

各言致災之由而復儲一事實欲禮部啟之既奏有

旨命廷臣集議無敢言者時綸正欲建言遂發復儲

事於是年五月九日己未晡時封章進當宁見則大

怒讀畢日已昏門已扃乃傳旨自闕出命錦衣衛卽

時逮捕入獄翌日榜掠訊無跡又一日加榜無全膚

不得已辭連同卽逮繫入獄對既實乃加刑覆訊必

欲招通南內不服用炮烙刑又不服乃窮慘酷欲致

之死地天乃大風降黃沙人大恐乃禁錮欲終其身

自是日甲子兩至於八月既得生乃酌酒相慶或賦

詩遣興或奕棋消閒日則對坐夜則對卧相與談論

無復憂悶

大理寺少卿廖公莊見同與綸下獄乃繼言復儲事

常宁怒其言切直待其以丁憂陞見卽於朝堂大杖

之八十幾死貶爲陝西河洲衛定襄城驛丞遂因而有旨命錦衣衛封六大杖擇六壯卒卽獄中大杖同與給一百必就死每五杖易手同肌體尤瘡故杖至三十已斃不動杖畢頃之乃甦衆以手輿入獄又禁不與酒旣而給漸平復幸不死

鍾同墓誌銘並章恭毅文集

天順元年丁丑正月奉 旨釋放還職出獄之際京

城男女娶觀填道擁不可行有嘆息泣下者

見年譜

方脫桎鐐手足拘攣不能動履項上鐵索繫縛三年

身同臥起白亮如銀尋陞禮部右侍郎山東水守臣請蠲租米允公爲請得減其半宗室有被火盜乞賑

獻徵錄

卷之三十七

十一 吳山錄

卽同列執以例公特請得賜金五百兩時尚書與濟

伯楊善侍郎鄒幹意皆不協南京禮部侍郎缺卽以

公對 上初難之頃之改南京禮部又改吏部轉左

侍郎凡六考成化丙申守制乞致仕許之卒贈尚書

諡恭毅

年譜

方其職在一司位不過五品開口樓臂論國家大計

雖身困言屈一時天下皆知有所謂名義所謂風節

以至於 英祖之光復 憲皇之顯紹神功聖德鏗

鉤炳耀於天地門而公之身及際其盛後雖遠處南

國亦隱然爲天下重微公輩二三人則名義風節皆

未可知而天下之事去矣是豈非天之有意於國家億萬載靈長之祚而然哉

見西涯李公年譜序

公旣以節義爲天下望未嘗少貶以從時權奸憚之

故爲左右侍郎十有八年皆處南國顯擢潛沮弗復

改擢公益厲以裕終不自悔議者以公有汲長孺之

剛直魯宗道之骨鯁

見王編修所撰公廟碑

正統之末 社稷非 景帝未知如何一時安懷之

功卓矣所不踐者易儲一事爾使當時廷臣有能直

諫以身殉之則儲未必易後有繼公連章僉諍必從

乃已則儲可必復正月十七日之變亦何目而萌柰

獻徵錄

卷之三十七

十二 吳山錄

何獨公憤發一言遂罹楚毒豈意復躋顯位以功名

考終而榮及後人忠義之報何如哉蓋公孝友朴淳

剛方坦易遇事敢言厥後 景帝拒絕讒間全護

兩宮其亦終有悟於公之言也夫

名臣言行通錄

南京禮部右侍郎廖公莊傳

廖恭敏公莊字汝止吉水人初爲刑科給事中會陝右饑命公賑之公以便宜行事全活甚衆比還多所建白時西楊當國家人有不法者公率同列上章劾其不職旦日入朝相遇門下莊不爲避揖西楊謝曰得罪西楊亦慰之曰公少年宜持丰裁景泰五年七月災異詔求言公上疏其畧曰臣仕中朝十餘年間見上皇歲時令朝臣調賀於東廊恩禮隆洽羣下感動上皇今者深居南內問安侍養大開闕闕非所以篤忠愛友悌之誼慰天心而召和氣也且上皇之子宜令其親近儒臣講明經義以端國本庶使天下臣民曉然知朝廷公天下之心詞意悲懇留中不報明年內艱入見會章鍾三疏入上忽念公往年有疏大類二人并逮三人杖於午門幸不死謫定羌驛丞天順初召還時內艱未闋繼遭父喪以公忠特賜祭葬服闋改南大理已又陞南禮部右侍郎御史有劾公者上斥之不聽逾年卒贈刑部尚書公爲人易直表裏坦然性剛詞氣激烈少不當意輒面折已則釋然雖間爲深機者所中卒不能自易也廣廷大議棘棘不撓及以言被罪名稱籍甚

四方想聞其風采然不孑孑爲異飭細行以取譽接對士類不見有纖毫貴勢態尤篤於鄉里故舊營護極拔極其力之所至賓至厄酒豆肉輒與爲懽無一食不對賓客既爲法官所親或勸稍謝往來遠嫌議公笑曰昔人有言臣門如市臣心如水吾無媿吾心而已沒之日無以爲斂鬻居第供費歷時不能售鄉之仕於朝者相與哀助假貸以佐之於是足以見公之平生蓋賢於世之深情厚貌事邊幅者遠矣故河東文清薛公謂公於議論知識獨能得其遠者大者真知言哉

欽定四庫全書

卷之三十七

十四

漫山錄

通議大夫南京禮部右侍郎贈尚書馬公廷用

墓誌銘

楊廷和

公諱廷用字良佐姓馬氏四川南充縣人大父諱覺照父諱鐸俱以公貴贈通議大夫南京禮部右侍郎祖妣朱氏妣賈氏俱淑人賈初夢月入懷而公生性穎異讀書過目輒成誦。大父鄉進士賈公嘗語人口是兒他日必亢馬宗稱。從廣安曾謹思學易年十四巡按御史餘姚胡君寬識其文大奇之曰是翰苑人物也成化四年舉於鄉。太學大司成丘文莊公合六館士試之以公爲首由是名震都下十四歲徵錄。卷之三十七

年舉進士改庶吉士進學翰林十六年授編修二十三年同考禮部會試尋丁祖妣憂弘治四年起復時與野亭劉司直涇川張仲湮東川劉仁仲及予相倡和有詩。六年充廷試受卷官尋陞侍讀侍經筵八年主考順天府鄉試所取多得人九年與修大明會典明年陞南京翰林侍讀學士前胡御史僑居江寧公往拜之迎謂公曰吾言果不負矣太宰倪文毅公爲人簡亢少許可每詣公輒抵掌談論夜分乃罷十五年陞南京禮部右侍郎復與楊遠菴儲柴墟林見素呂秉之爲文字友嘗署南京戶部會歲歉江北流

民就食都下者相屬留守諸司議所以拯救之法公持議發廩或以爲當請於朝公抗言曰若待奏請而後賑濟數萬人將化爲鬼物矣古人固有矯制發倉者吾請獨任其罪衆是之賴以全活者甚衆既而奏上果如所擬守備成國公朱以祭告攝事與太常議禮不合互相論奏且移文禮部公判之曰尊君事神務在得體量情協禮貴無僭差或者見之曰此十六字南山判也議始定公臨事斷決類如此正德四年再引疾乞休得允歸治田園與親友日相從觴詠爲樂言者交章薦之冀其復起十四年正月二十四日

獻徵錄

卷之三十七

十六

卒計聞命禮部諭祭工部治葬域仍贈南京禮部尚書異數也公長於經學以易爲潔靜精微之書近世作義者或雜引他說殊戾本旨乃會程朱傳義發爲文章成一家機軸學者宗之爲詩文不喜鉤棘聲牙之語所著有紫崖集若干卷藏於家紫崖西允望山也公家世居之因以自號公天性孝友初登第同年黎君復登輒慨然泣下黎問之故曰君始吾先人舉君以相屬豈意今日得與君同恸恨夫入不及見是以悲耳事兄廷惠撫從弟廷實及從子企俱有恩禮居家治官事必循禮而協之情要在道可

得時可濟區區其詭名聲之事不屑也衣冠言動亦
簡朴不爲華靡接納後進恂恂如畏至議論古今人
物得失高下慷慨直言聽者忘倦嘗語人曰吾少貧
每會試間關萬里或負書徒步往來未嘗以爲苦曰
男子事當如是耳

嘉議大夫南京禮部右侍郎贈南京禮部尚書
五清劉公瑞傳 雷禮

劉瑞四川成都府內江縣人弘治丙辰進士少敏甚
日記千言爲文有奇氣選庶吉士讀書翰林於墳籍
子史旁搜廣摭無微不至錄討疑佚不爲苟同而所
學益遽衆多下之授翰林院檢討日稽古自鑒至於
應酬敘述脫腐遠俗悉根理道正德二年逆瑾竊柄
尋乞致仕五年起用以丁憂不果十年再起浙江按
察司副使提督學校約章程茂德教所至發部擊蒙
不踈於維施又藻鑑公明甄拔皆知名士十四年陞
獻徵錄 卷之二十七 十八 易山樓
南京太僕寺少卿暇日作興學校隨所詣爲之是正
出其悟表會滁守陳璧建科第題名碑爲之紀其事
備云高皇龍飛草昧一時熊虎之士奮志勇冒矢石
贊成大業大率多滁人況百五十年未濡煦王化本
之經史督之師儒表之宅里榮之爵祿感風雲而起
者又何讓於熊虎之盛故滁士聞之莫不興起踰二
年陞南京光祿寺卿尋進南京太常歷南京禮部右
侍郎雖留務清勝不究厥用而行誼嶄然爲縉紳所
共稱至沒之日無以爲殮尤可以卜其素履公卒贈
南京禮部尚書隆慶元年從孫侍御朝奏賜諡文肅

南京禮部右侍郎趙永傳

趙永字爾錫直隸鳳陽府臨淮縣人長陵衛軍籍寄
養順天府學沉靜簡默博洽淵冲從大學士李文正
學文正曰此子風骨不凡而造詣宏博遠到之才也
登壬戌進士授翰林編修纂修實錄忤逆瑾瑾欲左
遷銓部疏勤慎竟復職瑾終銜之末裕如也辛未甲
戌兩主會試文衡崇雅黜浮文體復古授侍讀轉春
坊太子右諭德充經筵講官奉命主武舉武
廟南狩以居守有勞賜金麒麟服陞國子監祭酒表
建師模嚴飭士習抑請托進廉節動遵矩範不阿權
獻徵錄卷之三十七十九
要海內嚮風翕然不變今上登極仍命直經筵兼
日講官每進講必先焚香閉戶積誠滌慮以冀感通
駕幸大學賜坐講尚書大禹謨敷陳剴切進止雍容
上屢注目罷講聖諭褒獎翌日率諸生表謝
上賜勅及彩幣二襲仍賜宴寵異偶因疾在告上
念講官無直諫者遣鴻臚寺賁旨至臥榻諭起供
職永感恩流涕力疾入謝未幾復以言忤當路辭解
日講官轉南京禮部右侍郎尋攝部篆永修禮敦俗
風化一新時內閣缺輔臣永負時望大學士楊一清
恐相遇不合佯以他意挑之永曰吾可以纓見亮吾

道乎具疏乞休隱居都下不出戶庭都給事中董進
第御史王瑛率諫垣臺臣薦永名重玉堂化覃璧水
退居於輦轂之下而踪跡愈幽充養乎經濟之才而
聲猷實富吏部亦首疏起永竟不出築精舍數椽繞
以筠檜橫琴抱膝若將終身嘉靖戊申卒於家壽八
十所著有類菴稿文華講義南京錄瀛洲詩北歸稿

通議大夫南京禮部右侍郎涇野呂公柝行狀

馬汝驥

公呂姓諱柝字仲木號涇野高陵人學行為四方學者所宗稱爲涇野先生云中弘治辛酉鄉舉第十正德戊辰會試第六廷試第一歷官翰林院修撰解州判官南京吏部考功司郎中南京尚寶司卿南京太常寺少卿國子監祭酒南京禮部右侍郎致仕按呂氏本太公望後宋時有諱世昌者居高陵故世爲高陵人又幾世生彬卿彬卿生八八生興興生貴貴生鑑鑑生溥號渭陽渭陽公配宋氏生公昔葬彬卿祖

獻徵錄

卷之三十七

三十一

涇山

時其壙有聲如雷卜言兆顯六世至是公生敦厚穎敏特異始就傳於周尚書習小學之節邑高郎中見曰此子他日必成大人君子不但科第而已提學馬君奇之命爲弟子員時未總卅輒有志聖賢之道乃負居矮屋衣冠危坐雖炎暑燠金不越戶限至冬月祁寒則履藉麥草誦讀恒夜以繼日年十四應試臨潼貧不能假館宿新豐空舍夜夢老人自驪山而下謂曰爾力學後當居天下既試補廩膳生母宋卒公哀毀骨立既受學於教諭備邑孫行人昂請益於

提學楊遂菴王虎谷二公屢

提學楊遂菴王虎谷二公屢

冠多士爰拔入正學書院授以所學由是見聞益博嘗夢見明道程子東萊呂子就正所疑學益大進於時熊李二叅政聞其賢延爲塾師公以禮無往教辭乃遣子就學所居寺中一日聞父疾走還二叅政命驛馬追送弗受父疾尋愈乃居雲槐精舍熊李二生及多士皆來就學公食穀麵餅有上客至與共之鄉舉後與三原秦憲使世觀馬光祿伯循榆次寇司馬子惇安陽張憲使仲修宗伯崔文敏公仲冕林慮馬都御史敬陳講學於成均又與一二同志輟舉業務博文約禮規過輔仁道相望雖衆以爲迂諱而弗恤

獻徵錄

卷之三十七

三十二

涇山

更歷五橫而踐履篤實粹盎外著蓋不知夫富貴之可淫貧賤之可移威武之可屈矣會孝廟賓天公與同志哭臨聲出淚下通國異而諱之弗變孫行人沒公服衰哭拜弔者戊辰廷試策對仁孝武廟嘉之賜狀元及第傳臚之前則欽賜冠服帶履至友人謂服習容觀公如言若固有之明日有中官橫加賀禮卻之祿入祀先祝稱某之子某何太史粹夫建之凡父母賜書再拜使者受之退而跪讀餘親友書受讀有儀聞期功總喪必爲位而哭凡費非禮不受在官年安西夏亂公疏請上入宮御經筵親政事可常保富

貴時中官惡其言因嘗卻賀禮又不往見欲殺之乃乞養病得歸中官使校尉尾至真定不得其過而返抵家數月中官凌遲人服公明公居家杜門謝客糲食草茹若將終身渭陽公間責次子梓公跪勸之梓逃乃朴公伏地受之怒輒解臺諫交章薦曰當劉瑾擅政縉紳側足乃能不顧時忌求歸且學問淵粹安貧守分以斯介行使立朝必能振起休風勸懲頹俗遂起用入朝乃上勸學疏畧曰昔周文王緝熙敬止咸和萬民斯享靈囿之樂元順帝廢學縱欲盛有臺沼我太祖一舉而取之上嘉納時乾清官災公應獻徵錄卷之三十七 五十二 曼山錄

詔陳言一曰逐日臨朝聽政二曰還處官寢預圖儲貳三曰郊社禘嘗祇肅欽承四曰日朝兩宮承顏順志五曰遣去義子番僧邊軍令各寧業六曰各處鎮守中官貪婪取回別用又累進講勸上舉直錯枉疏後引疾乞歸友人崔後渠氏言於京曰仲木去就可謂必矣時西安秋旱禾稿有司檄征租公言於當道獲薄征張仲修爲御史蔡河東書院成請定三晉應祀名賢公旣論定其祀又答以書爲及上之給命正多貴言賤行故馬融訓詁雖附勢殺貴猶祀孔廟尹焞守死善道如朱熹亦短其致知以孔顏之學觀之

後儒失之遠矣故今定祀惟取大義不爲文辭俾學者知所趨向王都御史薦公篤學好古乞代已官潛陽公病公侍湯藥晝夜衣不解帶履恒無聲如是一年鬚髮變白丙子五月渭陽公卒公哀毀嘔血先母宋權厝城東至是敗壞失一指公號天痛哭乃復得之遂合葬時大雨如注公徒跣踣泥中會葬者皆感泣稱孝旣葬廬於中門之外旦夕號慟時陝西鎮守中官廖氏餽以金幣諸物卻之有客托交遊以三百金求書公曰人心如青天白日不意視如鳥獸交遊慚而退盛都御史朱熊曹三御史交章薦曰學術獻徵錄卷之三十七 五十四 曼山錄

閣深操履純正甘貧體道人望攸屬今上登極起用明年改元嘉靖復館職纂修武廟實錄進講虞書適值仁祖淳皇后忌辰公口奏存襟服之禮罷酒飯之賜癸未充會試同考試官所取士二十餘人皆名士嘗上疏請溫尋聖學曰學貴知要而力行故慎獨克己上對天心親賢遠讒下通民志伏望聖上尋溫體驗甲申四月奉旨修省以十有三事自劾疏上出山西解州判官至解首恤無告及諸貧困以贖刑木綿米肉給之見解之丁差倍徙他邑乃懇告當路會議分派樂省卷之三十七 五十五 曼山錄